

BADYET NG ESTADO. ESTADO AT LOKAL NA PAMAHALAAN. INISYATIBONG SUSOG SA SALIGANG-BATAS AT BATAS.

- Nagtatatag ng dalawang-taong pag-ikot ng badyet ng estado.
- Pinagbabawalan ang Lehislatura na lumikha ng mga paggasta na higit sa \$25 milyon maliban kung ang nagpapalit na mga kita o mga pagbawas sa paggasta ay natukoy.
- Nagpapahintulot sa Gobernador na unilateral na bawasan ang badyet sa panahon ng idineklarang mga emerhensiya sa pananalapi kung nabigong kumilos ang Lehislatura.
- Nag-aatas ng mga pagrepaso ng pagganap ng lahat ng programa ng estado.
- Nag-aatas ng mga hangarin sa pagganap sa mga pang-estado at lokal na badyet.
- Nag-aatas ng paglalathala ng mga panukalang-batas nang hindi kukulangin sa tatlong araw bago ang pambatasang boto.
- Nagpapahintulot sa mga lokal na pamahalaan na baguhin kung paano umaaplay sa kanila ang mga batas na namamahala sa mga programang pinopondohan ng estado, maliban kung ibeto ng Lehislatura o ahensiya ng estado ang pagbabago sa loob ng 60 araw.

Buod ng Tantiya ng Pambatasang Manunuri sa Netong Tama sa Pananalapi ng Estado at Lokal na Pamahalaan:

- Nabawasang mga kita sa buwis sa pagbebenta ng estado na mga \$200 milyon taun-taon, na may kaugnay na pagtaas ng pagpopondo sa mga partikular na lokal na pamahalaan.
- Iba, posibleng mas malaking mga pagbabago sa pang-estado at lokal na paggasta at mga kita, ang laki nito ay depende sa mga desisyon sa hinaharap ng mga pampublikong opisyal.

PAGSUSURI NG PAMBATASANG MANUNURI

PANGKALAHATANG-TANAW

Ang panukalang ito ay nagbabago ng mga partikular na responsibilidad ng mga lokal na pamahalaan, ng Lehislatura, at ng Gobernador. Ito ay nagbabago rin ng ilang bahagi ng mga pagpapatakbo ng estado at lokal na pamahalaan. Ang Pigura 1 ay nagsasabuo sa mga pangunahing tadhana ng panukalang ito, ang bawat isa ng mga ito ay tinalakay nang mas detalyado sa ibaba.

NAG-AAWTORISA AT NAGPOPONDO SA MGA PLANO NG LOKAL NA PAMAHALAAN

Mungkahi

Nagpapahintulot sa mga Lokal na Pamahalaan na Bumuo ng mga Bagong Plano. Sa ilalim ng panukalang ito, ang mga county at ibang mga lokal na pamahalaan (tulad ng mga lunsod, mga distrito ng paaralan, mga distrito ng kolehiyo ng komunidad, at mga espesyal na distrito) ay maaaring lumikha ng mga plano para sa pag-uugnay kung paano sila magkakaloob ng mga serbisyo sa publiko. Ang mga plano ay maaaring tumugon sa kung paano maghahatid ang mga lokal na pamahalaan ng mga serbisyo sa maraming lugar, kabilang ang pagpapaunlad na pangkabuhayan, edukasyon, mga

serbisyong panlipunan, kaligtasan ng publiko, at pampublikong kalusugan. Ang bawat plano ay kailangang aprobahan ng mga namamahalang lupon ng (1) county, (2) mga distrito ng paaralan na naglilingkod sa isang mayoriya ng mga estudyante ng county, at (3) ibang mga lokal na pamahalaan na kumakatawan sa isang mayoriya ng populasyon ng county. Ang mga lokal na ahensiya ay tatanggap ng ilang pagpopondo mula sa estado upang ipatupad ang mga plano (gaya ng inilarawan sa ibaba).

Nagpapahintulot sa mga Lokal na Pamahalaan na Baguhin ang Pangangasiwa ng mga Pinopondohan-ng-Estado na mga Programa. Kung ang mga lokal na pamahalaan ay nagpasiya na ang isang batas o regulasyon ng estado ay nagtatakda sa kanilang kakayahang isakatuparan ang kanilang plano, maaari silang bumuo ng mga lokal na pamamaraan na “katumbas sa pagganap” ng mga layunin ng kasalukuyang batas o regulasyon ng estado. Ang mga lokal na pamahalaan ay maaaring sumunod sa mga lokal na pamamaraang ito—sa halip ng mga batas o regulasyon ng estado—sa pangangasiwa ng mga programa ng estado na tinutustusan ng mga pondo ng estado. Ang Lehislatura (sa kaso ng mga batas ng estado) o ang may-kaugnayang

PAGSUSURI NG PAMBATASANG MANUNURI

IPINAGPAPATULOY

kagawaran ng estado (sa kaso ng mga regulasyon ng estado) ay magkakaroon ng pagkakataong tanggihan ang mga panghaliling lokal na pamamaraan. Ang mga lokal na binuong mga pamamaraan ay matatapos pagkaraan ng apat na taon maliban kung bigyan ng panibagong bisa sa pamamagitan ng kaparehong proseso.

Nagpapahintulot ng Paglipat ng mga Lokal na Buwis sa Ari-arian. Ang mga nagbabayad ng buwis sa California ay nagbabayad ng mga \$50 bilyon sa mga buwis sa ari-arian sa mga lokal na pamahalaan taun-taon. Ang batas ng estado ay namamahala sa kung paano ang mga buwis sa ari-arian ay hinahati sa mga entidad ng lokal na pamahalaan sa bawat county. Ang panukalang ito ay nagpapahintulot sa mga lokal na pamahalaan na lumalahok sa mga plano na ilipat ang mga buwis sa ari-arian na inilaan sa kanila patungo sa kanilang mga sarili sa anumang paraan na pinili nila. Ang bawat lokal na pamahalaang apektado ay kailangang aprobahan ang pagbabago sa pamamagitan ng dalawang-ikatlong boto ng namamahalang lupon nito.

Naglipat ng Ilang Kita ng Buwis sa Pagbebenta ng Estado Patungo sa mga Lokal na Pamahalaan. Sa kasalukuyan, ang pangkaraniwang antas ng buwis sa

pagbebenta sa estado ay higit sa 8 porsiyento. Ito ay nakalikom ng \$42.2 bilyon noong 2009–10, na ang mga kita ay inilaan nang halos pantay-pantay sa estado at mga lokal na pamahalaan. Simula sa taon ng pananalapi na 2013–14, ang panukala ay maglilipat ng maliit na bahagi ng kabahagi ng estado sa mga county na nagpapatupad ng mga bagong plano. Ito ay hindi magbabago sa mga buwis sa pagbebenta na binabayaran ng mga nagbabayad ng buwis. Ang paglilipat ay magtataas ng mga kita ng mga lumalahok na lokal na pamahalaan sa mga county na may mga plano ng isang kabuuan na mga \$200 milyon taun-taon sa malapit na taning. Ang pamahalaan ng estado ay mawawalan ng isang kaukulang halaga, na hindi na makukuha upang pondohan ang mga programa ng estado. Ang mga buwis sa pagbebenta ay ilalaan sa mga lumalahok na county batay sa kanilang populasyon. Ang panukala ay nag-aatas ng isang lokal na plano upang magtadhana ng pamamahagi ng mga ito at anumang ibang mga pondong hinahangad na suportahan ang pagpapatupad ng lokal na plano.

Pigura 1

Mga Pangunahing Tadhana ng Proposisyon 31

- ✓ **Nag-aawtorisa at Nagpopondo sa mga Plano ng Lokal na Pamahalaan**
 - Naglilipat ng ilang kita ng estado sa mga county kung saan ang mga lokal na pamahalaan ay nagpapatupad ng mga plano upang iugnay ang kanilang mga serbisyo sa publiko.
 - Pinahihintulutan ang mga lokal na pamahalaan na bumuo ng kanilang sariling mga pamamaraan sa pangangasiwa ng pinopondohan-ng-estado na mga programa.
 - Pinahihintulutan ang mga lokal na pamahalaang ito na ilipat ang mga lokal na buwis sa ari-arian sa kani-kanilang mga sarili.
- ✓ **Tinatakdaan ang Kakayahan ng Lehislatura ng Magpasa ng mga Partikular na Panukalang-batas**
 - Tinatakdaan ang kakayaan ng Lehislatura na magpasa ng mga partikular na panukalang-batas na nagtataas ng mga gastos ng estado o bawasan ang mga kita maliban kung ang mga bagong pinagkukunan ng pagpopondo at/o mga pagbawas sa paggasta ay tinukoy.
 - Hindi sinasaklaw ang iba-ibang mga uri ng panukalang-batas sa iniaatas na nasa itaas.
 - Nag-aatas na halos lahat ng panukalang-batas at susog ay makukuha ng publiko nang hindi kukulangin sa tatlong araw bago ang pambatasang pag-aproba.
- ✓ **Pinanalawak ang Kakayahan ng Gobernador na Bawasan ang Paggasta**
 - Pinahihintulutan ang Gobernador na bawasan ang paggasta sa panahon ng mga emerhensiya sa pananalapi ng estado sa mga partikular na kalagayan.
- ✓ **Binabago ang mga Pamamaraan ng Pampublikong Pagbabadyet at Pagbabantay**
 - Binabago ang proseso ng taunang badyet ng estado patungo sa isang dalawang-taong proseso.
 - Inaatasan ang Lehislatura na maglaan ng bahagi ng bawat dalawang-taong sesyon para sa pambatasang pagbabantay ng mga pampublikong programa.
 - Nag-aatas sa estado at mga lokal na pamahalaan na magtaya ng pagiging mabisa ng mga programa at maglarawan ng kung paano natutugunan ng kanilang mga badyet ang iba-ibang mga layunin.

Mga Epekto sa Pananalapi

31 Bilang karagdagan sa paglipat ng \$200 milyon na inilarawan sa unahan, magkakaroon ng ibang mga epekto sa pananalapi sa estado at mga lokal na pamahalaan. Halimbawa, ang pagpapahintulot sa mga lokal na pamahalaan na bumuo ng kanilang sariling mga pamamaraan sa pangangasiwa ng pinopondohan-ng-estado na mga programa ay maaaring humantong sa magkakaibang bunga ng programa at mga pang-estado o lokal na gastos kaysa mangyayari sana sa ibang paraan. Ang pagpapahintulot sa mga lokal na pamahalaan na ilipat ang mga buwis sa ari-arian ay maaaring makaapekto kung magkanong pera ang pupunta sa isang lokal na pamahalaan, pero hindi magbabago sa kabuuang halagang binabayaran ng mga nagbabayad ng buwis sa ari-arian. Ang mga lokal na pamahalaan ay malamang din na gumasta ng maliit na karagdagang mga halaga upang lumikha at mangasiwa ng kanilang mga bagong plano. Ang mga pagbabagong magiging resulta ng bahaging ito ng panukala ay depende sa (1) kung ilang county ang lilikha ng mga plano, (2) ilang lokal na pamahalaan ang magbabago sa paraan na pinangangasiwaan nila ang mga pinopondohan-ng-estado na mga programa, at (3) ang mga resulta ng kanilang mga aktibidad. Para sa mga dahilang ito, ang netong tama sa pananalapi ng panukalang ito sa mga gastos ng estado at lokal na pamahalaan ay hindi mahuhulaan. Sa ilang county, ang mga epektong ito ay maaaring malaki.

TINATAKDAAN ANG KAKAYAHAN NG LEHISLATURA NA MAGPASA NG MGA PARTIKULAR NA PANUKALANG-BATAS

Kasalukuyang Batas

Badyet at Ibang mga Panukalang-batas. Bawat taon, ang Lehislatura at ang Gobernador ay nag-aapropa ng panukalang-batas sa badyet ng estado at ibang mga panukalang-batas. Ang panukalang-batas sa badyet ay nagpapahintulot ng paggasta mula sa Pangkalahatang Pondo at maraming ibang mga kuwenta ng estado. (Ang Pangkalahatang Pondo ay ang pangunahing nagpapatakpong kuwenta ng estado na nagkakaloob ng pagpopondo para sa edukasyon, kalusugan, mga serbisyong panlipunan, mga bilangguan, at ibang mga programa.) Sa pangkalahatan, ang

boto ng isang mayoriya ng parehong kapulungan ng Lehislatura (ang Senado at ang Asembleya) ay iniaatas para sa pag-apropa ng panukalang-batas sa badyet at karamihan ng ibang mga panukalang-batas. Ang dalawang-ikatlóng boto sa parehong kapulungan, gayunman, ay iniaatas upang taasan ang mga buwis ng estado.

Bilang bahagi ng kanilang karaniwang proseso ng pagsasaalang-alang ng mga bagong batas, ang Lehislatura at Gobernador ay nagrerepaso ng mga tantiya ng mga epekto ng bawat iminumungkahing batas sa paggasta at kita ng estado. Habang ang Saligang-batas ng Estado ay hindi nag-uutos na tukuyin ng estado ang bawat bagong batas na tutustusan, ito ay nag-aatas na ang pangkalahatang badyet ng estado ay maging balanse. Sa partikular, bawat taon kapag ang estado ay nagpatibay ng badyet nito, dapat ipakita ng estado na ang tinantiyang mga kita ng Pangkalahatang Pondo ay tutugon o hihigit sa inaprobahang pagpopondo ng Pangkalahatang Pondo.

Mungkahi

Tinatakdaan ang Kakayahan ng Lehislatura na Itaas ang mga Gastos ng Estado. Ang panukalang ito ay nag-aatas sa Lehislatura na ipakita kung paano ang ilang panukalang-batas na nagtataas ng paggasta ng estado ng higit sa \$25 milyon sa anumang taon ng pananalapi ay babayaran ng mga pagbawas sa paggasta, mga pagtaas ng kita, o kombinasyon ng pareho. Ang iniaatas ay umaaplay sa mga panukalang-batas na lumilikha ng mga bagong kagawaran o mga programa ng estado, nagpapalawak ng kasalukuyang mga kagawaran o programa ng estado, o lumilikha ng ipinag-uutos-ng-estado na mga lokal na programa. Ang mga pagkalibre mula sa mga iniaatas na ito ay kabilang ang mga panukalang-batas na nagpapahintulot ng isang-beses na paggasta para sa isang kagawaran o programa ng estado, nagtataas ng mga pagpopondo para sa isang kagawaran o programa dahil sa mga pagtaas sa dami ng trabaho o sa halaga ng pamumuhay, nagkakaloob ng pagpopondo na iniaatas ng pederal na batas, o nagtataas ng bayad o ibang kabayaran ng mga empleyado ng estado alinsunod sa isang sama-samang pakikipagkasundo. Ang panukala ay hindi rin sumasaklaw sa mga panukalang-batas na nagbabalik ng pagpopondo sa mga programa ng estado na binawasan upang makatulong na balansehin ang badyet ng estado sa alinmang taon pagkaraan ng 2008–09.

PAGSUSURI NG PAMBATASANG MANUNURI

IPINAGPAPATULUY

Tinatakdaan ang Kakayahan ng Lehislatura na Bawasan ang mga Kita ng Estado. Ang panukala ay nag-aatas din sa Lehislatura na ipakita kung paano ang panukalang-batas na nagbabawas ng mga buwis ng estado o ibang mga kitang higit sa \$25 milyon sa alinmang taon ng pananalapi ay babayaran ng mga pagbawas sa paggasta, mga pagtaas ng kita, o kombinasyon ng pareho.

Mga Pagbabago Kapag ang Lehislatura ay Maaaring Magpasa mga Panukalang-batas. Ang panukalang ito ay gumagawa ng ibang mga pagbabago na makakaapekto kapag ang Lehislatura ay maaaring magpasa ng mga panukalang-batas. Halimbawa, ang panukala ay nag-aatas na ang Lehislatura ay gawin ang mga panukalang-batas at mga susog sa mga panukalang-batas na iyon na makukuha ng publiko ng hindi kukulangin sa tatlong araw bago bumoto upang ipasa ang mga ito (maliban sa mga partikular na panukalang-batas na tumutugon sa isang kalamidad ng kalikasan o atake ng terorista).

Mga Epekto sa Pananalapi

Gagawin ng panukalang ito na mas mahirap para sa Lehislatura na magpasa ng ilang panukalang-batas na nagtataas ng paggasta ng estado o nagbabawas ng mga kita. Ang pagtatakda sa kakayahan ng Lehislatura sa paraang ito ay maaaring magresulta sa pagiging mas kaunti ng mga pondo ng estado na ginagasta sa mga serbisyo sa publiko—o mas malaki ang mga buwis at bayad—kaysa magiging kaso sa ibang paraan. Dahil ang epekto sa pananalapi ng bahaging ito ng panukala ay depende sa mga desisyon ng Lehislatura sa hinaharap, ang epekto ay hindi mahuhulaan, pero ito ay maaaring maging malaki sa paglipas ng panahon. Dahil ang estado ay nagkakaloob ng mahalagang pagpopondo sa mga lokal na pamahalaan, ang mga ito ay maaari ring maapektuhan sa paglipas ng panahon.

PINALALAWAK ANG KAKAYAHAN NG GOBERNADOR NA BAWASAN ANG PAGGASTA NG ESTADO

Kasalukuyang Batas

Sa ilalim ng Proposisyon 58 (2004), pagkatapos aprobahan ng panukalang-batas sa badyet, ang Gobernador ay maaaring magdeklara ng isang emerhensiya sa pananalapi ng estado kung ipinasiya niya na ang estado ay humaharap sa malaking kakulangan sa kita o sobrang paggasta. Kapag ang emerhensiya sa pananalapi ay idineklara, ang Gobernador ay dapat tumawag ng espesyal na sesyon sa Lehislatura at magmungkahi ng mga aksyon upang tugunan ang emerhensiya sa pananalapi. Ang Lehislatura ay may 45 araw upang isaalang-alang ang sagot nito. Ang kapangyarihan ng Gobernador na bawasan ang paggasta ng estado, gayunman, ay kasalukuyang napakalimitado kahit na ang Lehislatura ay hindi kumilos sa 45-araw na panahong iyon.

Mungkahi

Nagpapahintulot sa Gobernador na Bawasan ang Paggasta sa mga Partikular na Kalagayan. Sa ilalim ng panukalang ito, kung ang Lehislatura ay hindi nagpasa ng batas upang tugunan ang isang emerhensiya sa pananalapi sa loob ng 45 araw, maaaring bawasan ng Gobernador ang ilang paggasta ng Pangkalahatang Pondo. Ang Gobernador ay hindi makakapagbawas ng paggastang iniaatas ng Saligang-batas o ng pederal na batas—tulad ng karamihan ng paggasta ng paaralan, serbisyo sa utang, mga kontribusyon sa pensiyon, at ilang paggasta para sa mga programang mga serbisyong pangkalusugan at panlipunan. (Ang mga kategoryang ito ay kasalukuyang kumakatawan sa isang mayoriya ng paggasta ng Pangkalahatang Pondo.) Ang kabuuang halaga ng mga pagbawas ay hindi maaaring humigit sa halagang kailangan upang balansehin ang badyet. Magagawa ng Lehislatura na pawalang-bisa ang lahat o bahagi ng mga pagbawas sa pamamagitan ng dalawang-ikatlóng boto sa pareho ng mga kapulungan nito.

Mga Epekto sa Pananalapi

Ang pagpapalawak ng kakayahan ng Gobernador na bawasan ang paggasta ay maaaring magresulta sa pagiging mas mababa ng pangkalahatang paggasta ng estado kaysa magiging kalagayan sa ibang paraan. Ang epekto sa pananalapi ng pagbabagong ito ay hindi mahuhulaan, pero ito ay maaaring maging malaki sa ilang taon. Ang mga badyet ng lokal na pamahalaan ay maaari ring maapektuhan ng mas mababang paggasta ng estado.

MGA PAGBABAGO SA PAMPUBLIKONG PAGBABADYET AT MGA PAMAMARAAN NG PAGBABANTAY

Mungkahi

Binabago ang Proseso ng Taunang Badyet ng Estado Patungo sa Isang Dalawang-Taong Proseso. Ang panukalang ito ay nagbabago sa proseso ng badyet ng estado mula sa isang-taon (taunang) proseso patungo sa isang dalawang-taon (kada dalawang taon) na proseso. Bawat dalawang taon simula sa 2015, ang Gobernador ay maghaharap ng isang mungkahing badyet para sa mga sumusunod na dalawang taon ng pananalapi. Halimbawa, sa Enero 2015 ang Gobernador ay magmumungkahi ng isang badyet para sa taon ng pananalapi na magsisimula sa Hulyo 2015 at sa taon ng pananalapi na magsisimula sa Hulyo 2016. Bawat dalawang taon simula sa 2016, ang Gobernador ay maaaring magharap ng isang iminumungkahing pagsasapanahon ng badyet. Ang panukala ay hindi nagbabago sa kasalukuyang huling-araw ayon sa saligang-batas na Hunyo 15 para sa pagpasa ng Lehislatura ng isang panukalang-batas sa badyet.

Nagtatakda ng Ispesipikong Panahon para sa Pambatasang Pangangasiwa ng mga Pampublikong Programa. Sa kasalukuyan, ang Lehislatura ay nangangasiwa at nagrerepaso ng mga aktibidad ng mga pang-estado at lokal na programa sa iba-ibang panahon sa buong dalawang-taon na sesyon. Ang panukalang ito ay nag-aatas sa Lehislatura ng magreserba ng isang bahagi ng dalawang-taong sesyon nito—simula sa Hulyo ng ikalawang taon ng sesyon—para sa pagbabantay at pagrepaso ng mga pampublikong programa.

Sa partikular, ang panukala ay nag-aatas sa Lehislatura na lumikha ng isang proseso at gamitin ito upang repasuhin ang bawat pinopondohan-ng-estado na mga programa—pinamamahalaan man ng estado o ng mga lokal na pamahalaan kahit minsan bawat limang taon. Habang isinasagawa ang pagbabantay na ito, ang Lehislatura ay hindi maaaring magpasa ng mga panukalang-batas maliban sa mga (1) magkakabisa agad (na pangkaraniwang nag-aatas ng dalawang-ikatlong boto ng parehong kapulungan) o (2) pawawalang-bisa ang beto ng Gobernador (na nag-aatas din ng dalawang-ikatlong boto ng parehong kapulungan).

Nagpapataw ng Bagong Iniaatas sa Pang-estado at Lokal na Pagbabadyet. Sa kasalukuyan, ang estado at mga lokal na pamahalaan ay may malawak na kakayahang mag-agpang sa pagpapasiya kung paano tatayahin ang mga pagpapatakbo ng kanilang mga pampublikong programa. Ang panukalang ito ay nagpapataw ng ilang pangkalahatang iniaatas para sa estado at mga lokal na pamahalaan upang isama ang mga bagong aytem sa kanilang mga badyet. Sa partikular, ang mga pamahalaan ay kailangang magtaya ng pagiging mabisa ng kanilang mga programa at maglarawan kung paano natutugunan ng kanilang mga badyet ang iba-ibang mga layunin. Ang estado at mga lokal na pamahalaan ay kailangang mag-ulat sa kanilang progreso sa pagtugon sa mga layuning iyon.

Mga Epekto sa Pananalapi

Ang estado at mga lokal na pamahalaan ay makakaranas ng mas malaking mga gastos upang itatag ang mga sistema upang ipatupad ng mga bagong iniaatas sa pagbabadyet at upang pangasiwaan ang mga bagong iniaatas sa pagtaya. Ang mga gastos na ito ay mag-iiba batay sa kung paano ang mga pang-estado at lokal na opisyal ay nagpatupad ng mga iniaatas. Sa buong estado, ang mga gastos ay malamang na mula sa **milyun-milyon hanggang sampu-sampung milyong dolyar taun-taon**, na mababawasan sa paglipas ng panahon. Itong mga bagong iniaatas sa pagbabadyet at pagtaya ay maaaring makaapekto sa paggawa ng desisyon sa iba-ibang paraan—tulad ng, muling paghahanay ayon sa kahalagahan ng paggasta, pagiging episyente ng programa, at mga karagdagang pamumuhunan sa ilang lugar ng programa. Ang tama sa pananalapi ng mga pamahalaan ay hindi mahuhulaan.

BUOD NG MGA EPEKTO SA PANANALAPI NG PANUKALA

Gaya ng isinabuod sa Figura 2, ang panukala ay maglipat ng ilang kita sa buwis sa pagbebenta ng estado sa mga county na nagpapatupad ng mga lokal na plano. Ang paglipat na ito ay magresulta sa kabawasan sa mga kita ng estado na mga \$200 milyon taun-taon, na may kaugnay na pagtaas ng pagpopondo sa mga lokal na pamahalaan sa mga county na iyon. Ang netong epekto sa pang-estado at lokal na mga

pagbabago sa pananalapi ng panukalang ito ay pangkaraniwang magiging depende sa mga desisyon sa hinaharap ng mga pampublikong opisyal at, dahil doon, ay mahirap hulaan. Sa pangmatagalan, ang ibang mga pagbabagong ito sa pang-estado at lokal na paggasta o mga kita ay maaaring mas malaki kaysa \$200 milyon na paglipat ng mga kita sa buwis sa pagbebenta na tinalakay sa itaas.

Figura 2

Mga Pangunahing Epekto sa Pananalapi ng Proposisyon 31

	Pamahalaan ng Estado	Lokal na Pamahalaan
Nag-aawtorisa at Nagpopondo sa mga Plano ng Lokal na Pamahalaan		
Pagpopondo para sa mga plano	\$200 milyon na taunang pagbawas sa mga kita.	200 milyon na taunang pagtaas sa mga kita sa mga lokal na pamahalaan sa mga county na bumubuo ng plano.
Mga Epekto ng bagong plano	Hindi mahuhulaan, pero posibleng malaki.	Hindi mahuhulaan, pero posibleng malaki sa ilang county.
Tinatakda ang Kakayahan ng Lehislatura na Magpasa ng mga Partikular na Panukalang-batas		
	Posibleng mas mababang paggasta—o mas mataas na mga kita—batay sa mga aksyon sa hinaharap ng Lehislatura.	Mga posibleng pagbabago sa pagpopondo ng estado para sa mga lokal na programa batay sa mga aksyon sa hinaharap ng Lehislatura.
Pinalalawak ang Kakayahan ng Gobernador na Bawasan ang Paggasta ng Estado		
	Posibleng mas mababang paggasta sa ilang taon.	Posibleng mas mababang pagpopondo ng estado para sa mga lokal na programa sa ilang taon.
Binabago ang mga Pamamaraan ng Pampublikong Pagbabadyet at Pagbabantay		
Mga gastos sa pagpapatupad	Posibleng milyun-milyon hanggang sampu-sampung milyong dolyar taun-taon, nababawasan sa paglipas ng panahon.	Posibleng milyun-milyon hanggang sampu-sampung milyong dolyar taun-taon, nababawasan sa paglipas ng panahon.
Mga epekto ng mga bagong iniaatas	Hindi mahuhulaan.	Hindi mahuhulaan.